

Gal?

Ne kuožnos
Galem būtē dainēninko –
Kartās smarkuokā nepatruopējem
I nata.
Bet je šērdelie
Būn kartās baisē linksmo,
Vuo dielkuo jimos
I nepadainiavos?

Ne kuožnos
Galem būtē ēr šuokiejo –
Kartās smarkuokā nepatruopējem
I takta.
Bet jego kuojēs patēs retsīkēs kēlnuojēs,
Vuo dēlkuo
Nepašuokos?

Ne kuožnos
Galem būtē ēr puoeto –
Prērašēniejem kartās
Vēsuokiū baibuoku.
Bet je šērdelie
Krebžd kažkas kap pelēs,
Vuo dēlkuo jimos tuo
Ēr neožrašios?

Vēsē
Negalem būtē
Dainininkās, šuokiejēs ēr puoetās,
Bet tuo jug niekam
Ēr nerēk...
Kad kuožnos dūšiuo
Dainioutomem, eilieraštius rašītomem
Ēr šuoktomem,
Gal tas gīvenimielis
Pasēdarīto bēnt šēik tēik
Gražiesnis...